



ԱՎՆԱՐԿՆԵՐ ԵՐՈՒԱՆԴԱՇԱՏԻ ՅՈՒՇԱՐՁԱՆԱՀԱՄԱԼԻՐԻ ԺԱՄԱՆԱԿԱԳՐՈՒԹԵԱՆ, ՏԵՂԱԳՐՈՒԹԵԱՆ ԵՒ ՄՇԱԿՈՒԹԱՅԻՆ ՊԱՏԿԵՐԻ ՄԱՍԻՆ

ՍՈՒՍԱՆՆԱ ՄՈՒՐԱԴՅԱՆ

syuzmuradyan@gmail.com

Ուրարտական եւ հայկական մշակոյթների փոխկապակցութեան հիմնախնդիրը, նրա տարաբնոյթ դրսեւորումները՝ վաղուց գտնւում են արեւելագիտական, հայագիտական հետազոտութիւնների կիզակէտում: Այս հարցերի լուսաբանման առաւել հանգամանալից անդրադարձել է Գեորգ Տիրացեանը: Գիտնականը ուսումնասիրելով ուրարտական եւ նրան յաջորդող մշակոյթին ընդրոշ մի շարք համեմատելի սկզբունքներ (ընակավայրերի ու քաղաքների տեղանքի ընտրութիւն, ամրաշինութիւն, ճարտարապետական ձեւեր, շինարուեստ եւն.) այն կարծիքն է յայտնել, որ վերոյիշեալ ոլորտներում ակնյայտ են աւանդոյթների շարունակականութիւնը, ժառանգականութիւնը¹: Մասնաւորապէս, ուշադրութիւն է դարձուել պալատական շինութիւններում եւ կրօնական կառոյցներում տեսանելի զուգահեռականութեանը, ինչը, հեղինակի համոզմամբ՝ պէտք է դրսեւորուէր յատկապէս անտիկ Հայաստանի որոշ պաշտամունքային յուշարձաններում:

Այս տեսակէտի արդարացիութիւնը դրսեւորուեց Երուանդաշատի հնագիտական համալիրի² պեղումների ընթացքում, որտեղ ուրարտական մշակոյթի առկայութիւնն այսօր արդէն կարող է գնահատուել որպէս փաստ: Երուանդաշատի «Որսորդական Պալատ»ի տարածքում տարուած հնագիտական պեղումների շնորհիւ վերհանուեցին մի շարք արժէքաւոր տուեալներ, այդ թում՝ Անտիկ Հայաստանի վաղագոյն՝ Երուանդունեաց հարստութեան վերջին արքայի՝ Երուանդ Վերջինի (Ք.ա. 222-201) յայտնի շինարարական գործունէութեան վերաբերեալ³: Համալիրի պեղուող հատուածը գտնւում է Արարատեան դաշտավայրի արեւմտեան



խարխիսներ, որոնք բացարձակապես in situ չլինելով հանդերձ, լուսաբանում են կառույցի ծածկի հետ կապում խնդիրները:



Պալատին կցում են տարաբնույթ ճարտարապետական յուեղյուններ, որոնց մի մասի պատերը եւս ամրացում են նման ելուստներով:

Համալիրի արեւելեան թեւում բացայայտուեց 19x8մ չափսի մի այլ սրահ, որի կաածեփ յատակի մէջ տեղակայուած էին շուրջ 36 կարաս³: Ինչպէս կենտրոնական համալիրին կից կառույցներում, այնպէս էլ կարասների թում նկատելի են ժամանակագրական որոշակի տարբերութիւններ, որոնք վկայում են ողջ պեղումը համալիրի երկարատեւ գործարկման մասին:

հատումում, Արաքս եւ Ախուրեան գետերի խառնարանից քիչ հարաւարեւելք, Արաքսի ծախ ափին գտնուող դարաւանդի վրայ (ՀՀ Արմալիրի մարզ, գ. Երուանդաշատ)⁴:

2005-14⁵ ՀՀ ԳԱԱ Հնագիտութեան եւ Ազգագրութեան Ինստիտուտի Երուանդաշատի հնագիտական արշաւախումբը (ղեկավար՝ պ.գ.թ. Ֆելիքս Տէր-Մարտիրոսով) սիստեմատիկ պեղումներ նախաձեռնեց համալիրի այսպէս կոչուած «Որսորդական Պալատ»ում: Այս մեծածաւալ, բազմատարր կառույցի վաղագոյն՝ կենտրոնական մասը յատակագծում բառակուսի է (24,40x24,80մ), շարուած կիսամշակ խոշոր գետաքարերից եւ արտաքուստ օժտուած է կանոնաւոր գծային եւ անկիւնային որմնահեցերով: Պալատի կենտրոնական սրահում ի յայտ եկան երեք բազալտէ



Դատելով յայտնաբերուած հնագիտական գտածոների (ճարտարապետական մանրամասներ, խեցեղէն են.) քնոյթից, ինչպէս նաեւ առկայ գրաւոր աղբիւրների տուեալներից⁶, այդ գործարկման լայնոյթն ընդգրկել է Վանի Թագաւորութեան ժամանակաշրջանից՝ առնուազն մինչեւ Ք.ե. Դ դարը⁷:




Պեղուող տարածքը վերջին տարիների ուսումնասիրութիւններում (Տէր-Մարտիրոսով) ներկայացուած է որպէս պալատական համալիր, կառուցուած Անպառ Շննդոց արքայական արգելոցում: Հենց այս պալատի հետազօտութեան որոշ արդիւնքներն ու Երուանդաշատի հնագիտական համալիրի փարքերից երկուսի՝ Երուանդակերտի եւ Անպառ Շննդոցի թուագրութեան եւ տեղակայման խնդիրն են ընդգրկուած սոյն աշխատանքում հիմք ընդունելով պատմագիտական սկզբնաղբիւրները եւ հնագիտական հետազօտութիւնների արդիւնքները:

ՈՒՐԱՐՏԱԿԱՆ ՆԵՐԿԱՅՈՒԹԻՒՆՆ ԱՆՏԱՌ ԾՆՆԴՈՑՈՒՄ⁸

Երուանդաշատ հնագիտական համալիրի պալատական կառոյցի պեղումները հնարաւորութիւն ընձեռեցին բացայայտելու ուրարտա-հայկական մշակութային զուգակցման որոշակի դրսեւորումներ: Ուղղակի ուրարտական ներկայութիւնն այստեղ առկայ է որոշակի ճարտարապետական լուծումներում. մասնաւորապէս, պալատի կենտրոնական համալիրի յօրինուածքն ու շինարարական մանրամասները (յատակագիծ, գծային եւ անկիւնային որմնահեցեր, հիմնապատերի շարուածք, ճարտարապետական համամասնութիւն են.) ցուցադրում են դրա ակնյայտ օրինակները: Նոյն ուրարտական ծագումն ունեն պալատի կենտրոնական դահլիճի սեան երեք խարիսխները, որոնք կրկնում են Էրեբունիի եւ Արգիշ-

տիխիսիլիի յայտնի ձեւերը, ինչպէս նաեւ Ալթին Թեփէի Խալդիի տաճարը երիզող սիւնախարիսները: Սեղանի խեցեղէն սպասքի ուրարտական նմուշների (Ք.ա. է.-Ձ. դդ.), տիպական բրոնզէ ճարմանդի առկայութիւնն այստեղ նոյնպէս խօսում է նման թուագրութեան արդարացիութեան մասին: Բացի այդ, նոյնպիսի ուղղակի դրսեւորումներ տեսանելի են նաեւ տնտեսական խեցեղէնում, յատկապէս՝ կարասային սրահի խոշոր գօտեզարդ կարասների մի շարք նմուշներում: Ընդ որում, այս մահանում առկայ են ոչ միայն ուրարտական, այլեւ անելի ուշ՝ անտիկ կարասներ⁹:

Հաշուի առնելով Երուանդաշատում ուրարտական մշակութային ներկայութեան որակն ու ծաւալները, կարելի է ենթադրել որ պալատը հիմնադրուել է Վանի թագաւորութեան շրջանում: Ուրարտական բնակելի եւ ամրոցային այլ կառոյցների հետ ընդհանրութիւնից բացի, Երուանդաշատեան պալատի նման ծագման մասին է վկայում նրա ուղղակի զուգահեռականութիւնը մասնատրապէս՝ Արգիշտիխիսիլիի արեւմտեան ամրոցի դահլիճի եւ այսպէս կոչուած «Կնիքակրի Տան», Օշակեանի ամրոցի, Բաստամի հիւսիսային շինութեան, ինչպէս նաեւ Սոլակի համաժամանակեայ բնակավայրի կենտրոնական կառոյցի ճարտարապետութեան հետ¹⁰:



Առկայ նիւթական տուեալները դեռեւ թոյլ չեն տալիս ճշգրտելու այս յուշարձանի ժամանակագրական բոլոր մանրամասները (կառուցման որոշակի ժամանակը, նրա «հեղինակումը» են.), սակայն ակնբերել է որ ուրարտական համալիրը հիմք է ծառայել յետագայի՝ Երուանդեան եւ անելի ուշ շրջանի շինարարական գործունէութեան համար¹¹:


ԵՐՈՒԱՆԴ ԿԵՐՋԻՆԻ ՇԻՆԱՐԱՐԱԿԱՆ ՆԱԽԱՁԵՒՆՈՒԹԻՒՆՆԵՐԻ ԿՐՕՆԱ-ՄՇԱԿՈՒԹԱՅԻՆ ԱԿՈՒՆՔՆԵՐԻ ՇՈՒՐՋ

Ուրարտա-հայկական մշակութային աղբյուրները տուեալ յուշարձանում ունեցան եւ մի ուշագրաւ բացայատում. դա 2014ին, պալատի կենտրոնական համալիրի հարաւային պատին գրեթէ կից՝ ճակատային պատից 85սմ հեռաւորութեամբ տեղադրուած, 6.35x6.40մ ընդհանուր չափերով քառակիւնի կառոյցն էր¹²: Նրա չորս անկիւններն էլ ունեն մօտ 0,5 մետրանոց ելուստներ, հարաւից՝ 0,95սմ բացուածքով դուռը տանում է դէպի միակ, 2.15x2.15մ չափերով սենեակը:



Կառույցի շէմն ու ներքին տա-
րածքի յատակը պատուած էին մեծ
քարէ սալերով, որոնց վրայ, հիւ-
սիսային պատին կից (մուտքից
0,85մ հեռաւորութեան վրայ)՝ պահ-
պանուել էին նաեւ անելի փոքր սա-
լերից շարուած, 30սմ բարձրու-
թեամբ քառանկիւնի մի հարթակ
(զոհասեղան¹³), ծածկուած կալի եւ
կրի վերադիր ծեփով:

Յատակագծային իր ողջ յօրինուածքով այս շինութիւնը ծայնակցում է
ուրարտական «susi» տիպի յայտնի սրբարանների հետ (Էրեբունի,
Արմաւիր, Ալթին Թեփէ, Այանիս են.¹³), տարբերուելով դրանցից միայն իր



համեստ չափերով եւ, ինչը
կարեւոր է՝ տեղադրութեան
մանրամասներով, նրա ար-
հեստականութեամբ: Այսպէս,
այն կառուցուած է պալատի
վաղագոյն համալիրի պատից
աննշան հեռաւորութեան
վրայ, փակելով նրա ճակատի

գրեթէ ողջ հարաւ-արեւելեան հատուածը: Ճարտարապետական այս
յաւելումը տեղադրելու նպատակով՝ փակուել է նաեւ համալիրի արեւելեան
թեւը տանող դռներից մէկը: Որոշակի տարբերութիւն է նկատուում
պալատի եւ կից կառույցի շինարարական եղանակաձեւերի խնդրում եւս:
Ասուածը վկայում է այն մասին որ «susi»ատիպ աշտարակը կառուցուել է
պալատի տեական շահագործման անելի ուշ փուլում: Նման իրողութիւն
բացայայտուել է նաեւ Վիրքում (Սամադլօ), որտեղ նոյնպէս Բ.ա. Ը.-է.
դարերի ամրոցում, անելի ուշ՝ Ե.-Դ. դարերում, կառուցում է աշտա-
րակաձեւ սրբարան¹⁴:

Դատելով քննուող շինության տարածքում յայտնաբերուած հնագիտական նիւթի, մասնատրապէս՝ խեցեղէնի, ժամանակագրական միատարրութիւնից (Ք.ա. Բ. դարի սահմաններ), կարելի է ենթադրել, որ այն պատկանում է Երուանդ Վերջինի օրօք ուրարտական պալատում կատարուած յանելումների թուին: Ըստ երեւոյթին, արքան պալատը վերագործարկելով, նրան է կցել իր նախորդ մայրաքաղաք-նստավայր Արմաիւրի տաճարական համալիրի կրկնօրինակ-«մանրակերտ», ապահովելով ինն ու նոր նստավայրերի սրբարանների յօրինուածքային կապը¹⁵: Տրամաբանական է ենթադրել, որ Երուանդն այստեղ ձեռնարկած կառոյցներում օգտագործել է իր նախկին նստավայրում շարունակաբար գործարկուող (ուրարտական շրջանից՝ մինչեւ անտիկը ներառեալ) ինն սրբարանի ճարտարապետական յօրինուածքը:

Ուրարտական այս աւանդոյթների փոխադրումը դաստակերտ՝ ուղղակիօրէն կապուած է «արմաիւրեան ժառանգութեան» հետ, քանի որ Վանի թագաւորութեան անկումից յետոյ Արմաիւրը, որոշ քաղաքաշինական եւ այլ վերափոխութիւններով հանդերձ, մնաց այն նշանատր կենտրոնը, որտեղ շարունակուեց նոր՝ Երուանդունեաց պետութեան հոգեւոր եւ վարչական կեանքի զարգացումը:

Վերադառնալով ուրարտական Երուանդաշատի խնդրին, անհրաժեշտ է նկատել որ Բիայինիլիի տիրակալների կողմից Արարատեան Դաշտավայրի քննուող հատուածի ընդգրկումը թագաւորութեան սահմաններում գնահատելի է որպէս օրինաչափ: Արաքսի եւ Ախուրեանի հովիտների հաղորդակցային ներուժը, դրանից բխող ռազմական եւ տնտեսական հնարաւորութիւնները չէին կարող անտեսուել ուրարտացիների կողմից, թէ՛ Արարատեան Դաշտավայրի՝ «Ուազա երկրի», թէ՛ յետագայում Շիրակի՝ «Էրիախիլի» հպատակեցման սկզբնական փուլում: Կարելի է ենթադրել, որ Երուանդաշատի շրջակայքի, Արաքս-Ախուրեան գետախառնուրդի իւրացմամբ ամփոփուել է ողջ Արարատեան Դաշտավայրում ուրարտական գերակայութեան վերջնական հաստատման գործընթացը:

ԵՐՈՒԱՆԴԱԿԵՐՏԻ ՏԵՂԱԿԱՅՄԱՆ ԵՒ ԿԱՌՈՒՅՈՒԱԾՔԻ ՇՈՒՐՋ

Այժմ՝ որոշ նկատառումներ *Անյառ Սենդոցի* եւ Երուանդակերտի տեղակայման վերաբերեալ: Երուանդաշատի յուշարձանային համալիրի առանձին միաւորների աշխարհագրութեան շուրջ առարկայական անդրանիկ ուսումնասիրութիւնը կատարել է դեռեւս Բաբկէն Առաքելեանը: Ըստ նրա՝ Երուանդաշատ քաղաքն իր հիմնադրման սկզբնական փուլում գրաւել է ներկայիս Բագարան գիւղի մօտակայքում գտնուող բլրակը, ապա ատիճանաբար ընդարձակուել է իրախային եւ հարաւային դարաւանդների, ինչպէս նաեւ Արաքս-Ախուրեան

գետախառնուրդից դեպի արեւմուտք ընկած բլրախմբի ուղղությամբ: Իսկ Երուանդակերտը հեղինակը տեղակայում էր Ախուրեան գետի ծախ ափին՝ ներկայիս սահմանային «երկաթե կամրջի» հարեանությամբ, որտեղ տարուած շրջայցերի ընթացքում՝ նա արձանագրել էր անտիկ շրջանին վերաբերող կառույցների անբակներ¹⁶:



նային համալիրի պեղուղ տարածքին, ապա այն որակում է որպես Երուանդ արքայի որսորդական արգելոցի՝ *Անպառ Ծննդոցի* տարածքում կառուցուած պալատ¹⁷:

Այստեղ մանրամասնօրէն չանդրադառնալով Երուանդաշատ քաղաքի տեղակայման հարցին, նշենք միայն որ մենք կիսում ենք այդ հարցի՝ Տէր Մարտիրոսովի տեսակէտը, որը հիմնաւորուած է հեղինակի կողմից անցկացուած տեղագնումների արդիւնքներով, ինչպէս նաեւ լիովին համահունչ է Մովսէս Խորենացու համապատասխան հաղորդմանը¹⁸:

Ինչ վերաբերում է *Անպառ Ծննդոցին* ու Երուանդակերտին, ապա վերջիններիս տեղադրութեան քննութիւնից առաջ՝ տեղին է վերյիշել դրանց շուրջ Խորենացու տեղեկութիւնները. մասնաւորապէս, *Անպառ Ծննդոցի* մասին խօսելիս, Խորենացին նկատում է.

Տնկում է նաեւ մեծ անտառ գետի հիւսիսային կողմում, պարիսպներով ամրացնում է եւ ներսն արգելում է արագ այծեամներ, եղնիկների եւ եղջերուների ցեղեր, ցիւներ, վարազներ, որոնք աճելով ու բազմանալով անտառը լցրին, եւ նրանցով թագաւորն ուրախանում էր որսի օրերին: Անտառը նա կոչում է *Ծննդոց Անտառ*¹⁹:

Ապա, անդրադառնում է Երուանդակերտ ձեռակերտին.

Ինձ քաղցր է պատմել նաեւ գեղեցիկ Երուանդակերտ դաստակերտի մասին, որ նոյն Երուանդը շինեց գեղեցիկ եւ չքնաղ յօրնուածքով: Որովհետեւ մեծ հովտի միջին մասը լցնում է բնակչութեամբ եւ պայծառ շինութիւններով, ինչպէս աչքի բիրը, իսկ բնակչութեան շուրջը կազմում է ծաղկոցներ եւ բուրաստաններ, ինչպէս բիրի շուրջը աչքի միւս բոլորակը: Իսկ այգիների բազմութիւնը նմանում էր խիտ արտեանունքի գեղեցիկ գծին, որի հիւսիսային կողմի կամարածեւ դիրքը իսկապէս համեմատում էր գեղեցիկ կոյսերի

յօնքերին: Իսկ հարաային կողմից հարթ դաշտերը (յիշեցնում էին) ծնօտների գեղեցիկ ողորկութիւնը: Իսկ գետն իր երկու ափերի բարձրութիւններով պատկերացնում էր մի բերան, իր երկու շրթունքներով: Եւ այս գեղեցիկ դիրքը կարծես անթարթ հայեացքն ուղղել է թագաւորանիստ բարձրանդակի վրայ²⁰:

Խորենացու նկարագրութեան եւ տեղագրական քննութեան տուեալների համադրութիւնը յստակեցնում է *Անպառ Ծննդոցի* տեղակայման հարցը: Ակներեաբար, արգելոցը գտնւում էր Արաքսի ձախ՝ հիւսիսային ափին եւ արեւելք-արեւմուտք առանցքով տարածւում երկու գետերի խառնարանից՝ մինչեւ Արաքսի մօտակայ արեւելեան գետակապը («Շախվառուտի հանդերի» սահմանը): Հիւսիսից՝ այն պէտք է սահմանափակուէր ներկայիս Բագարան եւ Երուանդաշատ գիւղերի տարածքները շրջապատող ժայռոտ բարձրութիւնով: Եւ գրաւոր ու տեղագրական տեղեկատուութեան լոյսի ներքոյ՝ միանգամայն արդարացի է դառնում Տէր Մարտիրոսոսի կարծիքն անտառի տեղակայման վերաբերեալ: Միաժամանակ, սակայն, որոշակի տարակուսանք է առաջացնում անտիկ Երուանդաշատի պեղուղը հատուածի՝ լոկ որպէս «որսորդական պալատի» նրա քնորոշումը:

Նախեւառաջ, Պատմաօր նկարագրութեան բերուած հատուածներից բխում է որ թէ՛ *Անպառ Ծննդոցը* եւ թէ՛ Երուանդակերտ դաստակերտի կառուցապատուած հատուածն ընկնում են «գետի» (իմա՝ Արաքսի) նոյն հիւսիսային ափին: Բացի այդ, դատելով Առաքելեանի եւ նրան ուղեկցած հնագէտների շրջագայութիւնների տուեալներից, ուսումնասիրուած պալատի շրջակայքում դեռեւս 1970ականներին առկայ էին կոթողային այլ շինութիւններ, որոնց թւում՝ նաեւ մի կառոյց, որն իր չափերով եւ ճարտարապետական յօրինուածքով լիովին կրկնում էր 2005-14ին պեղուածը²¹: Վերջինս, ըստ ականատես մասնագէտների հաղորդումների՝ գտնւում էր «Որսորդական Պալատ»ից մօտ 100մ դէպի հիւսիս: Նոյն տարածքում առկայ էին նաեւ զանգուածեղ այլ շինութիւնների հետքեր, կառուցուած «պալատ»ի հետ լիովին նոյնացող շինարարական լուծումներով: Ցաւօք, այս կառոյցների ճշգրտ մեծամասնութիւնը անբույլ է 1980ականների վերջի հողային հարթեցումների ընթացքում: Առկայ սահմանափակ հնագիտական տեղեկատուութեամբ՝ դժուար է պեղուած «պալատ»ն ու յիշեալ անբույլ կառոյցները վստահաբար միաւորել նոյն ժամանակագրական սահմաններում²²: Սակայն, յիշեալ հարթեցումների տարածքում գրանցուած վերգետնեայ անտիկ գտածոները թոյլ են տալիս ընդունել նման նոյնականութեան հնարաւորութիւնը:

Ասուածից ելնելով, պեղուած ընդարձակ տարածքի եւ անցեալում գրանցուած բազմաքանակ ճարտարապետական մնացորդների ընկա-

լումը մէկ «որսորդական պալատ»ի տարր՝ հազիւ թէ արդարացուած լինէր: Փորձենք հիմնադրել մեր այս ընկալումը.

- Անկախ Երուանդի շինարարական գործունէութեան նշանակալի ծաւալներից, վերը նշուած կառոյցների գրադեցրած ընդհանուր տարածքը զգալիօրէն գերազանցում է որսորդական պալատի համար տրամաբանօրէն ընդունելի չափերը.
- Ինչպէս ձեռակերտը, այնպէս էլ որսորդական արգելոցն, անշուշտ, դասելի են արքայապատկան հողատարածքների շարքում եւ դրանց սերտ հարեանութիւնը միանգամայն տրամաբանական կը լինէր²³.
- Պեղուած համալիրում բացայայտուած գինու մառանի (մառանների՝) նշանակալի ծաւալներն ընկալելի են առաւելապէս այգեգործական-արտադրական գործառոյթի (ագարակ, ձեռակերտ) այլ ոչ թէ միայն սպառողական բնոյթի համալիրի (պալատ) պահանջների բաւարարման ենթահողով²⁴.
- Ուսումնասիրուող յուշարձանի տեղակայութիւնը իրապէս համապատասխանում է Երուանդակերտ ձեռակերտի եւ Երուանդաշատ մայրաքաղաքի աշխարհագրական յարաբերակցութեան վերաբերեալ Խորենացու ակնարկին (...«Եւ այս գեղեցիկ դիրքը կարծես անթարթ հայեացքն ուղղել է թագատրանիսը բարձրաւանդակի վրայ»):
- Խորենացու հաղորդման մէջ ակնարկուող արքայական ձեռակերտի եւ *Անպառ Տենդոցի* հարեանութիւնը (ԽԱ-ԽԲ) թոյլ է տալիս 2005-14ին պեղուած համալիրը եւ նրա հարեանութեամբ նախկինում բացայայտուած կառոյցները համադրելու Երուանդակերտ ձեռակերտի բնակելի (պալատական) համալիրի հետ:

Ուշագրաւ է, որ Խորենացու նկարագրութիւնից բխում է Երուանդակերտի երկմաս կառուցուածքը՝ վերջինիս տեղակայումը գետի երկու ափերին: Կարելի է ենթադրել, որ այդ բաժանումը կատարուել է ելնելով ձեռակերտի տարրերի գործառոյթային առանձնայատկութիւններից: Արաքսի ձախ, հիւսիսային ափին, ընդհուպ *Անպառ Տենդոցին* կից, պէտք է գտնուէր արքայական նստավայրը՝ ձեռակերտի կառուցային *կորիզը* (Խորենացու յիշատակած «*աջի բիբը*»), իսկ աջ ափին՝ վերջինիս գիւղատնտեսական-արտադրական յենքը: Երուանդաշատի յուշարձանային համալիրի տեղանքի բնութիւնը գետի հարաւային ափին ի յայտ է բերում նշանակալի մի հողատարածք, որը միանգամայն բարենպաստ պէտք է լինէր տարաբնոյթ գիւղատնտեսական գործունէութեան համար (Պատմա-հոր «*հարաւային կողմից հարթ դաշտերը*»):

Ամփոփելով վերը նշուածը, կարելի է եզրակացնել որ յուշարձանահամալիրի պեղուած հատուածը Երուանդակերտի պալատական համալիրն է, կառուցուած արքայական որսատեղիի՝ *Անպառ Տենդոցի* հարեանու-

թեամբ²⁵: Իսկ ձեռակերտի ագարակային մասը գտնուել է պալատի դիմաց, Արաքսի աջ ափին:

Երուանդ Վերջինի քաղաքաշինական գործունեության վերլուծությունից կարելի է ենթադրել, որ արքայի նախաձեռնություններն ունեցել են յաջողական բնույթ: Ելնելով ծրագրուած աշխատանքների ծաւալի եւ նրանց բարդութեան տրամաբանութիւնից, կարելի է ենթադրել որ նոր արքայանիստի՝ Երուանդաշատի հիմնադրմանը նախորդել է Երուանդակերտ դաստակերտի կառուցումը երբեմնի ուրարտական պալատական համալիրի վերագործարկմամբ: Նման մեկնակէտի առկայութեան պարագայում կարելի էր վերահսկել նոր քաղաքի կառուցման աւելի տեսական գործընթացը: Սակայն, այդ կապակցութեամբ Խորենացու հաղորդումից, ասես՝ թխում է այլ յաջողականութիւն. արքան նախ արքունի նստավայրը Արմաւիրից տեղափոխում է Երուանդաշատ, ապա տնկում *Անտառ Ծննդոցը* եւ յետոյ միայն կառուցում Երուանդակերտ ձեռակերտը²⁶: Տուեալ անհամապատասխանութիւնը գուցէ եւ թխում է այն հասկանալի հանգամանքից որ Պատմահայրը Երուանդի նախաձեռնութիւնների շարադրութիւնը ներկայացրել է ըստ վերջիններիս կարեւորութեան եւ ոչ ըստ ժամանակագրական յաջողականութեան:

Դաստակերտի եւ մասնատրապէս՝ արքայական հանգստավայր - *պարադիզի* ընդհանուր գաղափարը, ունենալու աքեմենեան²⁷ (աւելի ստույգ՝ հինարեւելեան) ակունքներ, չպէտք է խորթ լինէր նաեւ բուն ուրարտական մշակութային դաշտին, որն, ինչպէս յայտնի է, հանդիսացել է աքեմենեան շինարարական-քաղաքաշինական աւանդոյթի ձեւաւորման հիմնատարրերից մէկը: Ինչ վերաբերում է յետուրարտական Հայաստանին, ապա, հնագիտական-ճարտարապետական տուեալների վկայութեամբ՝ նախորդող մշակոյթի ազդեցութիւնն այստեղ անմիջական բնոյթ էր կրում: Վերջինիս ուղղակի դոսետրումները երեան եկան նաեւ Երուանդաշատի համալիրի տուեալ միատրի պեղումների ընթացքում:

Այսպիսով, Երուանդակերտ ձեռակերտի քննութիւնն ի յայտ է բերում նրա ուրարտական հիմքերը եւ յաւելեալ լոյս է սփռում ուրարտահայկական մշակութային ժառանգականութեան խնդիրներին: Յուշարձանի յետագայ ուսումնասիրութիւնները հնարաւորութիւն կ'ընձեռեն խորացնելու մեր գիտելիքներն ինչպէս նշուած մշակութային առնչութիւնների, այնպէս էլ Երուանդեան Հայաստանի պատմութեան եւ մշակոյթի հիմնահարցերի վերաբերեալ²⁸:

- ¹ Գեորգ Տիրացեան, «Ուրարտու եւ Հայաստան», *Պարմարանասիրական Հանդես*, 1978:1, էջ 43-60. նաեւ՝ G. Tirac'yan, "Armawir", *Revue des Études Arméniennes*, T. 27, 1998-2000, էջ 176-80:
- ² Խոսեպով համալիրի մասին, մենք նկատի ունենք հայկական գրաւոր աղբիւրներում արձարձում, հնագիտորէն յայտնի եւ դեռեւս չտաւմնասիրուած չորս յուշարձան.- բուն Երուանդաշատ քաղաքը, Բագարան տաճարական կենտրոնը, Երուանդակերտ արքայական ձեռակերտն ու «Ծննդոց Անտառ» պարադիզ-դրաստելին:
- ³ Հայ ժողովրդի Պարմութիւն, Հայր. 1, Երեւան, ՍՍՀ ԳԱ Հրատ., 1971, էջ 514-16. նաեւ՝ *From Urartu to Armenia. Florilegium G. Tirats'yan*, V. 3, (ed. by R. Vardanyan), 2003, էջ 68-9: Երուանդ. Վերջինի մասին ակնարկում է նաեւ Ստրաբոնը, յայտնելով, որ Երուանդը (Օրոնտէս)՝ հոչակատը եօթ պարսիկներից մէկի՝ Հիւլարնէսի շառաիւղը, իշխող գերդաստանի վերջին ներկայացուցիչն էր (Strabo, *Geogr.*, XI, 14, 15): Երուանդի գահընկեցութիւնից յետոյ, նրան յաջորդում է Արտաշէսը (Արտաշէս Ա, Ք.ա. 189-160), որը, դատելով վերջինիս արձանագրութիւններից՝ ծագումով նոյնպէս Երուանդունի էր:
- ⁴ Յուշարձանի պեղումների հանգամանալից նկարագրութիւնը տե՛ս՝ Փ. Եր-Մարտիրոսով, "Երանձատ", *Պարմարանասիրական Հանդես*, 2008:1, էջ 4-19. նաեւ՝ Փ. Եր-Մարտիրոսով, "Երանձատ", «Անպատ Ծննդոց». *Յօդուածների ժողովածու*, խմբ.՝ Է. Սիւսանեան, Հ. Պետրոսեան, Հ. Մելլոնեան, Երեւան, «ՎԵԼԼԱՍ Պրինտ», ԵՊՀ Հրատ., 2015, էջ 33-54:
- ⁵ Կարասային սրահի եւ կարասների մանրամասն նկարագրութիւնը տե՛ս՝ Ա. Գաբրիէլեան, «Երուանդաշատի Պալատական Համալիրի Կարասային Սրահը», «Անպատ Ծննդոց». *Յօդուածների ժողովածու*, էջ 117-31:
- ⁶ Փ. Բուզանդ, *Պարմութիւն Հայոց*, Երեւան, Հայաստան Հրատ., 1968, էջ 219:
- ⁷ Ֆ. Տէր Մարտիրոսովի վերոյիշեալ աշխատանքներում պեղուող յուշարձանի գործարկումն անտիկ շրջանի տահմաններում հասցում է մինչեւ Ք.յ. Ա. դարի սկիզբը: ՀՀ ԳԱԱ Հնագիտութեան եւ Ազգագրութեան Ինստիտուտի Հին Հայաստանի հնագիտութեան բաժնի վարիչ Մ. Զարդարեանի կողմից հնագիտական նիւթի որոշ թուագրական վերանայումները տեղիք են տալիս ենթադրելու, որ ոչ միայն պեղուող համալիրի հատումածի, այլեւ Երուանդաշատ քաղաքի տուռեալ տարածքի աշխուժ կենսագործունէութիւնը զգալիորէն աւելի տեւական են եղել:
- ⁸ Այստեղ *անպատ ծննդոցի* յիշատակումը թիւում է նախորդ հրատարակութիւններում արմատաւորուած յուշարձանի ընկալման եւ տեղակայման «աւանդոյթից»: Երուանդաշատի յուշարձանահամալիրի հետազօտուած տարածքի մեր գնահատականը տե՛ս՝ ստորեւ:
- ⁹ Կարասային սրահի եւ կարասների մանրամասները տե՛ս՝ Գաբրիէլեան:
- ¹⁰ A. Мартиросян, *Археологические*, Երեւան, Հայկական ՍՍՀ ԳԱ Հրատ., 1974, նկ. 41. նաեւ՝ Կ. Ղաֆադարեան, *Արգիշտիիսինի Քաղաքի Ծարգարապետութիւնը*, Երեւան, Հայկական ՍՍՀ ԳԱ Հրատ., 1984, գծ. 9, 21. նաեւ՝ С. А. Есаян, А. Калантарян, *Ошакан*, Երեւան, Հայկական ՍՍՀ ԳԱ Հրատ., 1988, աղ. III. նաեւ՝ W. Kleiss, *Bastam I, Band IV, Ausgrabungen in den Urartäischen Anlagen 1972-*

- 1975, Berlin, Abb. 17, 73. Նաե՛ւ՝ Հ. Աւետիսեան, Ա. Բորիսեան, *Ուրարտոյի Հնագիտութիւն*, Երեւան, 2010, գծ. 21, 24, 28. Նաե՛ւ՝ Ա. Պետրոսեան, Ռ. Դան, եւ այլոք, «Կոտայքի Հետախուզման Ծրագրի 2016 թ. Հիմնական Արդիւնքները», *Մեծամորեան Ընթերցումներ*, Գիտական Յօդածների Ժողովածու, Երեւան, Պատմամշակութային Արգելոց-Թանգարանների եւ Պատմական Միջավայրի Պահպանութեան Ծառայութեան, ՊՈԱԿ Հրատ., 2017, նկ. 1. Նաե՛ւ՝ K. Jakubiak, "Argishti I in the Arax Valley: Consequences of the Conquest," *Polish Archaeology in the Mediterranean*, 2017:XXVI/1, էջ 578-79:
- ¹¹ Իդէպ, յետուրարտական գործարկման հետքեր առկայ են նաեւ Սոլակի յուշարձանում (Պետրոսեան եւ այլոք):
- ¹² Չափագրող ճարտարապետ Հ. Կիւրեղեան:
- ¹³ I. Karapetyan, "The Susi – Temple of Argishtihinili-Armavir," *Aramazd, Armenian Journal of Near Eastern Studies*, 2010:2(V), էջ 36-40. Նաե՛ւ՝ W. Kleiss, *Zur Rekonstruktion des Urartäischen Tempels*, *Istanbuler Mitteilungen*, Band 39, 1989, էջ 265-68. Նաե՛ւ՝ Tugba Tanyeri-Erdemir, "The Temple and the King: Urartian Ritual Spaces and their Role in Royal Ideology," *Culture and History of the Ancient Near East*, V. 26, Leiden, 2007, T. 1, 2:
- ¹⁴ F. Knauss, "Ancient Persia and the Caucasus," *Iranica Antiqua*, 2006:XXI, էջ 89, fig. 9:
- ¹⁵ Արգիշտիխիլի-Արմաիրի «susi»-ի պեղումները հաստատապէս վկայում են անտիկ շրջանում վերջինիս աշխուժ գործարկման մասին (Karapetyan): Նոյնը կարելի է պնդել նաեւ Էրեբունիի համապատասխան տաճարի մասին: Այսպիսով, Երուանդի նման նախաձեռնութիւնը չպէտք է արտասովոր ընկալուէ:
- ¹⁶ Բարսէն Ստաքեան, «Որտեղ են Գտնուել Երուանդաշատ եւ Երուանդակերտ Քաղաքները», *Պարմաքանասիրական Հանդէս*, 1965:3, էջ 10-12:
- ¹⁷ Тер-Мартirosов, էջ 41-45:
- ¹⁸ Ա. Խորենացի, *Հայոց Պատմութիւն*, Երեւան, Երեանի Համալսարանի Հրատ., 1981, Գլուխ ԽԱ:
- ¹⁹ Խորենացի, Գլուխ ԽԱ:
- ²⁰ Խորենացի, Գլուխ ԽԲ:
- ²¹ A. Kanetsian, *Tipi di Costrazione e Materiali Edilizi. Ai Piedi dell' Ararat. Cietta' e Insedamenti nell'Armenia di eta' Classica*, Թորիւս, 1998, էջ 41:
- ²² Հաշուի առնելով յուշարձանի պեղումը տարածքում նշանակալի ուրարտական մշակութային ներկայութեան փաստը, միանգամայն հնարաւոր է որ վերոյիշեալ անբրում կառոյցները եւս հիմնադրուած լինէին նախաերուանդեան շրջանում ու գործարկուէին յետագայում եւս:
- ²³ Այս առումով, խնդրայարոյց է Տէր Մարտիրոսովի տեսակէտը, թէ Երուանդակերտ փաստօրէն եղել է Երուանդաշատի թաղամասերից մէկը (Тер-Мартirosов, էջ 43-4): Քաղաքային համայնքի (Յակոբ Մանանդեան, *Արմաիրի Յունարէն Արձանագրութիւնները Նոր Լուսաբանութեամբ*, Երեւան, Պետական Համալսարանի Հրատ., 1946, էջ 18, նկ. 4, էջ 23, նկ. 5), համապատասխանաբար՝ նաեւ քաղաքային համայնական սեփականութեան առկայութեան պա-

րագայում՝ տարբեր պատկանելիության հողատարածքների նման «սերտա-
ճումը» հազիս թե ընդունելի լինելը:

²⁴ Համալիրի պեղումած հատումածի մատնում գտնուել է 36 մեծ կարաս, որոնցից իւրաքանչիւրի տարողութիւնը առնուազն 250-300 լիտր է: Անգամ կարասների ծաալի համեստ հաշուարկի պարագայում՝ այս մէկ մատնում պէտք է ամբար-
նում լինէր շուրջ 9-10 տոննա գինի: Ենթադրութիւն առ այն որ կարասների մի
մասը կարող էր օգտագործուել նաեւ այլ մթերքի ամբարման համար (հացա-
հատիկ, ալիւր եւն.) իրատեսական չէ՝ ելնելով տարբեր մթերատեսակների պահ-
պանութեան պահանջներից (M. Zardaryan and R. Hovsepyan, "The Agriculture of
Western Syunik, Armenia in the Light of Archaeological and Archaeological Data
(Preliminary Study on the Economy of Early Yervandid Settlements)", *Bridging
Times and Spaces. Papers in Ancient Near Eastern, Mediterranean and Armenian
Studies. Honouring G. Areshyan* (P. Avetisyan, Y. Grekyan editors), Archaeopress
Archaeology, Oxford, 2017, էջ 407-20:

²⁵ Նման հարեանութիւնը, թերես, կ'ունենար նաեւ զուտ կիրառական նկատա-
ռումներ, զուգակցելով արքայի կենցաղի եւ ժամանցի ոլորտները:

²⁶ Խորենացի, Գլուխ ԽԱ, ԽԲ:

²⁷ Тер-Мартirosов, *Ервандаван*, էջ 12-13:

²⁸ Յատուկ շնորհակալութիւն եւս յայտնում Երուանդաշատի արշաախմբի
հնագէտ եւ ճարտարապետ իմ գործընկերներին՝ Ա. Պարսամեանին, Ա. Գաբրի-
էեանին, Լ. Միքայէեանին, Ա. Խեչոյեանին, Հ. Կիւրեղեանին, պեղումների
իրագործման եւ հնավայրի հանրահոջակման խնդրում ունեցած մեծ ներդրման
համար:

SOME THOUGHTS ON THE TOPOGRAPHY, CHRONOLOGY AND CULTURAL ASPECT
OF YERVANTASHAD

(Summary)

SUSANNA MOURADYAN

syuzmuradyan@gmail.com

The study of the palatial construct at the archeological site of Yervantashad, located in the trans-Araxes region, has uncovered new qualitative facts regarding the cultural links between Urartu and Armenia in the second century BC. The latest explorations at the site have uncovered evidence that during the Orontid dynasty steps were taken to restore and reuse the Urartian palace. One of the steps was the addition of a Susi-type, tower-shaped sacred place next to the palace.

The idea of renovating and reusing the palace is linked to the plans of Yervant the Last, who wanted to relocate his capital as well as certain Urartian religious/architectural features from Armavir to this location.

The article outlines these facts and argues that, based on an examination of the historico-topographic features of the excavations conducted next to the "Andar Dzenentots" kingly paradise, the latter was a part of Yervantagerd's palatial compound, and not a palace for hunting; the compound's backyard was probably on the other side of the river Araxes.